

1. Եղիշէ եպիսկոպոս Չիլինկիրեան	39	ձայն
2. Գէորգ եպս. Երէցեան	34	»
3. Տրդատ եպս. Պալեան	29	»
4. Եղիա վարդապետ	29	»
5. Գրիգորիս վարդապետ	28	»
6. Վահան վրդտ.	26	»
7. Հմայեակ վրդտ.	25	»

Տեղապահ Տ. Դանիէլ արքեպիսկոպոսի անունը ընտրելիների ցանկի մէջ չկայ, կարծուում էր թէ ինքն է հրաժարուել, և պատրիարքական ընտրութիւնից յետոյ տկաւութեան պատճառով կամենում է գնալ Եգիպտոս բուժուելու:

Երուսաղէմացիք իրանց ներքին կանոնադրութիւնը ի նկատի ունենալով՝ կազմել են ընտրելիների եռանուն ցանկ ևս. իսկ Կ. Պօլսոյ պատրիարքարանի կենդրոնական վարչութիւնը հիմնուելով Սահմանադրութեան կանոնների վերայ, կամենում է ի նկատի ունենալ միայն եօթանուն ցանկը առարկելով, որ Երուսաղէմի ներքին կանոնադրութիւնը նոյն իսկ վանքում կիրառութեան մէջ չէ եղել:

Ինչպէս երևում է յետոյ ստացուած տեղեկութիւններից՝ Երուսաղէմի Ս. Յակովբեանց վանքում ցաւալի երկպառակութիւնը սուր կերպարանք է ստացել և դրահետեանքով պատրիարքական տեղապահ Տ. Դանիէլ արքեպիսկոպոսը հեռացել է վանքից, թէև Կ. Պօլսոյ կենտրոնական վարչութիւնը առաջադրել է վերադառնալ վանք և շարունակել իւր պաշտօնը, իսկ կենտրոնի նշանակած լիազօր Խոճասարեան էֆ. վերադարձել է Կ. Պօլիս:

ՀԱՅ ԿԱԹՈՒԼԻԿ ԵԿԵՂԵՑԻ

Հայ-կաթոլիկ եպիսկոպոսների ձեռնադրութիւն.

Կիւրակէ, հոկտեմբերի 22ին, ն. տ. Ս. Նիկողայոս Տօլետինացու եկեղեցում Պօղոս-Պետրոս ԺԳ. Թերզեան պատրիարքը, որ Հռովմում է գտնուում Հայ-կաթոլիկների

Ժողովին նախագահելու համար, ութ եպիսկոպոս է ձեռնադրել:

Ձեռնադրութեանը ներկայ են եղել բազմաթիւ անձինք, լատին եպիսկոպոսներ, ուսուցչապետներ, բժիշկներ, ճարտարապետներ և զանազան կրօնական միաբանութիւններից ներկայացուցիչներ:

Հայ կաթողիկ եպիսկոպոսների ժողովը Հռովմում.

Հայ-կաթողիկ եպիսկոպոսների ժողովին մասնակցելու Հռովմ գնացող Սեբաստիայի և Խարբերդի Քէչէճեան և Իսրայէլեան եպիսկոպոսները պատերազմի պատճառով կառավարութիւնից արգելոււմ են Կ. Պոլսում. սակայն նրանք Հայ-կաթողիկ պատրիարքարանի միւս կողմի դռնից դուրս գալով՝ առաջուց պատրաստել տուած անցագրերով փախուստ են տալիս. Սիրքէճիի մէջ պաշտօնեաներին համոզելով՝ որպէս թէ Վեի՛նա են գնում. Իւկ Տիգրանակերտի Ձէլէպեան եպիսկոպոսը երբ պատրաստուում էր Հռովմ գնալ, արգելուել է Բէրութում:

Պատրիարքական փոխանորդի փոփոխութիւն.

Պատրիարքական փոխանորդ Ճամճեան եպիսկոպոսը տեսնելով, որ Թէրզեանի կողմից փոխանորդ է դրուած մի վարդապետ, (որի պաշտօնը թէև կառավարութիւնը չի ընդունում) հեռացել է իւր թեմը—Բրուսա:

ՌՈՒՍ ՊՐԱԽՈՍԼԱԻ ԵԿԵՂԵՑԻ.

Մի դատաւորիւնից մի այլ դատաւորիւն անցնելու օրինագիծ (Церк. Вѣст. № 45).

Պետական Խորհուրդը նոյեմբերի 4-ի նիստին սկսեց քննել մի դաւանութիւնից մի այլ դաւանութիւն անցնելու օրինագիծը, որ ներմուծուած էր Պետական Դուռայից. Կառավարութիւնը Պետական Դուռա էր մուծել դաւանութեան օրինագիծը 1905 թ. հոկտեմբերի 17-ի մանիֆեստի և նոյն թուի ապրելի 17-ի հրովարտակի ար-